


二十二史攷異


舊唐書四
五代史一之三
六十之三



			九	漢
			三	書
			〇	門
			三	
		七	〇	
		〇	函	
	一	〇	架	
	〇	冊		
二	〇			
				類

內閣文庫			
九	三	〇	漢
〇	三	〇	書
二	〇	三	
一	〇	架	
			類

內閣文庫			
番號	漢	9303	
冊數	20	(13)	
函號	298		2





舊唐書四

淺草文庫

廿二史攷異六十

錢大昕學

張鑑傳

朔方節度使齊邱之子也 齊邱既未立傳當云父齊

邱開元中朔方節度使

蕭復傳

普王為襄漢元帥以復為戶部尚書統軍長史以復父

名衡特詔避之 元帥府有行軍長史衡與行同音

故特避之李賀父名晉肅論者譏其舉進士亦其類

也

文是

舊唐書四

一

李揆傳

遷司勳員外郎考功郎中並知制誥扈從劍南拜中書舍人

李泌傳

其先遼東襄平人而魏太保八柱國司徒何此字誤弼之

六代孫今居京兆以史例當云京兆人

李抱玉傳

光弼自將于中難城 李光弼傳作中潭城且抱玉守

南城事已見光弼傳此亦重出也

盧從史傳

其先自元魏已來冠冕頗盛此篇首不書里居但言

先代冠冕之盛亦非史例

崔元翰傳

李沂公鎮滑臺辟為從事 李沂公者李勉也此采用

誌狀之文未合史法

賈耽傳

尋以本官為東都留守東都畿汝南防禦使 南字衍

姜公輔傳

授左拾遺召入翰林為學士歲滿當改官公輔上書自

陳以母老家貧以府掾俸給稍優乃求兼京兆尹戶

曹參軍 唐時翰林學士無品秩但為差遣故常帶
它官支其俸給公輔本以左拾遺入翰林歲滿改官
乃兼京兆戶曹參軍元和初白居易亦以左拾遺為
翰林學士及當改官引公輔例除京兆戶曹參軍蓋
拾遺雖為兩省供奉官秩止從八品京府參軍秩正
七品俸給較厚故恬退者喜居之居易為左拾遺賦
詩云歲愧俸錢三十萬及兼戶曹賦詩云俸錢四五
萬月可奉晨昏廩祿二百石歲可盈倉困此實錄也
王鎔傳 偽梁加尚書令及唐室中興去偽尚書令之號 此傳

前云河東節度使李克用虎視山東方謀吞噬後云
唐室中興去偽尚書令之號詞意自相矛盾

劉曄傳

今昌平故里朝廷改為尉卿司徒里 尉上當有太字

卿當作鄉

李忠臣傳

寶應元年七月拜忠臣太常卿同正兼御史中丞淮

此當脫 十一州節度尋加安州刺史仍鎮蔡州 是歲

先以來瑱為淮西河南十六州節度使治安州而以
裴莢代瑱鎮襄陽既而瑱竟不行乃除忠臣為帥傳

云加安州刺史則治所亦當在安州矣又據新史方

鎮表是時別有蔡汝節度使乾元元年置本大歷八

年始廢則忠臣初授淮西時未得鎮蔡州也

大歷五年加蔡州刺史淮西節度移治蔡州當在是

年方鎮表在八年未知其審

嚴綬傳

綬在鎮九年以寬惠為政士馬蕃息境內稱治按裴

垠傳稱綬在太原政事一出監軍李輔光綬但拱手

而已本傳諱而不書

蕭昕傳

遷中書舍人兼揚府司馬佐軍仍舊據此則唐時中

書舍人亦有帶出外任者而史不多見

杜佑傳

貞元十三年徐州節度使張建封卒其子愔為三軍所

立詔佑以淮南節制檢校左僕射同平章事兼徐泗

節度使據本紀在貞元十六年

裴垠傳

李吉甫自翰林承旨拜平章事李吉甫傳不云為承

旨

李吉甫傳

父栖筠代宗朝爲御史大夫名重于時國史有傳 按
李德裕傳亦云祖父自有傳然本書却無栖筠傳

權德輿傳

德輿居西掖八年其間獨掌者數歲 唐人稱門下爲
左掖中書爲西掖據六典中書舍人本六人中葉以
後常以它官知制誥行舍人之職德輿以貞元十年
遷起居舍人卽兼知制誥至十八年拜禮部侍郎故
云居西掖八年也至德以後始置翰林學士專掌內
制而中書但掌外制西掖之員漸少乃有一人獨掌
制誥如權德輿者

奚陟傳

時中書令李晟所請紙筆雜給皆不受但告雜事舍人
令且貯之 新史百官志舍人以久次者一人爲閣
老判本省雜事所謂雜事舍人也

蔣係傳

李德裕用事惡李漢以係與漢僚壻 係與漢皆韓愈
之壻

劉昌裔傳

楊琳之亂昌裔說其歸順 當作楊子琳脫子字
及琳授洛州刺史 洛當作瀘

高固傳

高祖侃永徽中為北庭安撫使有生擒車鼻可汗之功
官至安東都護事具前錄 此篇蓋沿憲宗實錄之
文故有事具前錄一語侃以右驍衛郎將擒車鼻見
突厥傳

劉迺傳

高祖武幹武德初拜侍中即中書侍郎林甫兄子也

按宰相輔表無侍中劉武幹名此必誤也宰相世系表
武幹會寧五州留守 金鄉公

孔戣傳

遷吏部侍郎轉左丞 按韓退之撰戣墓誌云改給事
中權知尚書右丞明年拜右丞與此傳不合韓集有
作左丞者注家定從右而以新舊史為誤恐未然
上謂裴度曰嘗有上疏論南海進蚶菜者詞甚忠正此
人何在卿第求之度退訪之或曰祭酒孔戣嘗論此
事度徵疏進之 按新書戣為華州刺史明州歲貢
淡菜蚶蛤之屬戣以為自海抵京師道路役凡四十
三萬人奏罷之墓誌亦云明州歲貢獨此云南海蓋
史家因其為嶺南節度使妄益南海字耳此新史之
勝於舊者

長慶四年正月卒時年七十三 誌作七十四

武元衡傳 武元衡字大衡 汝州郟縣人 貞元中 擢 武元衡傳

曾祖德載 當作載德 武后時封潁川王 武元衡傳

祖平一終考功員外郎修文館學士事在逸人傳 按

舊史無逸人傳平一事史亦闕之 武元衡傳

八年元衡自蜀再輔政時太白犯上相歷執法占者言

今之三相皆不利始輕末重月餘李絳以足疾免明

年十月李吉甫以暴疾卒至是元衡為盜所害 按

天文志及本紀俱不載元和八年太白星變事且李

絳罷相在九年二月吉甫之卒即在九年十月傳云

明年亦誤

鄭從讜傳

國之名臣文忠有焉 此傳詞多溢美蓋出於門生故

吏誌狀之文

烏重裔傳

烏重裔潞州牙將也 宰相世系表張掖人

盧簡辭傳

三辟諸侯府 此亦沿誌狀之文當時以方鎮為諸侯

也李宗閔傳隨牒諸侯府楊授傳釋褐從事諸侯府

李讓夷傳釋褐諸侯府楊巖傳釋褐諸侯府路巖傳

累辟諸侯府

王正雅傳

其先太原尹東都留守翊之子 尹當作人不連下讀

伯父翊代宗朝御史大夫 按翊事已附其弟翊傳彼

傳但云為御史中丞

柳公權傳

拜右拾遺充翰林侍書學士 翰林有侍書書詔學士

惟見於公權傳

殷盈孫傳

昭宗郊祀圓丘兩中尉楊復恭及兩樞密皆請朝服盈

孫上疏 按昭宗紀太常博士錢珣李綽等奏論不
及盈孫名

元稹傳

二十四調判入第四等 此試書判拔萃科也四等尚

為優選則上三等尤難得所謂久虛之等也

白敏中傳

懿宗即位徵拜司徒門下侍郎平章事復輔政 按本

紀失載敏中復相事

趙宗儒傳

昭肅晏駕 昭肅當作昭愍敬宗諡也

錢徽傳

吳郡人 當作吳興人

文昌面奏言徽所放進士鄭朗等十四人皆子弟藝薄
不當在選中 朗乃宰相珣瑜之子是年重試被落
後竟為宰相

令狐楚傳

入為吏部尚書仍檢校右僕射故事檢校官高者便從
其班楚以正官三品不宜從二品之列請從本班優
詔嘉之 僕射從二品尚書正三品唐初檢校官乃
任職而未正授之稱故新史宰輔表開元以前檢校

左右僕射侍中中書令者皆與正官同列肅代以後

檢校但為虛銜故檢校之三公三師不入于表令狐
楚以檢校僕射但從正官尚書之班也

牛僧孺傳

以其所管漢陽汝川兩縣隸鄂州 汝當作汭

鄭覃傳

復為閔孺所排 謂宗閔僧孺也兩字名不宜舉一字

鄭朗傳

長慶元年登進士甲科 是歲錢徽知禮部舉放進士
十四人朗居第一穆宗命王起白居易覆試朗等十

文選

舊唐書四

九

人皆落下此傳書登科而不書黜落失其實矣

李紳傳

高祖敬元則天朝中書令封趙國文憲公自有傳按

敬元相高宗非武后時本傳又不載其封諡

李珣傳

武宗卽位之年九月與楊嗣復俱罷相出爲桂州刺史

桂管觀察使三年長流驩州按武宗紀會昌元年

三月貶桂管觀察使李珣端州司馬杭州刺史裴夷

直驩州司戶此武宗卽位之次年也嗣復與珣同時

貶州司馬其貶驩州者乃裴夷直非李珣且爲司戶

非長流傳殆誤矣珣嗣復罷相紀在八月而傳云九

月亦不合

李德裕傳

史臣曰臣總角時亟聞耆德言衛公故事按史局非

一人之手而論辭稱臣總角時果何人之語乎且自

開運二年史成上溯會昌之末已百年矣蓋沿唐人

紀載之詞而未及修正也

嗣襄王煜傳

嗣襄王煜按舊史不敘煜之世系攷肅宗子僭敬宗

子執中俱封襄王新史以煜爲僭之裔孫通鑑亦以

爲肅宗元孫

李宗閔傳

元和四年復登制舉賢良方正科 按本紀裴均傳俱

云元和三年

李讓夷傳

時起居舍人李褒有痼疾請罷官李固言欲用崔球張
次宗鄭覃曰崔球游宗閔之門赤墀秉筆記注爲干
古法不可用朋黨如裴中孺李讓夷臣不敢有纖芥
異論 此事又見鄭覃傳覃傳言起居郎闕據此乃
是起居舍人闕非郎也

崔慎由傳

清河武城人 按崔融傳云齊州全節人而此云清河
武城人蓋舉其姓望也

曾祖翹位終禮部尚書東都留守 崔融傳云翹開元
中中書舍人

趙光逢傳

鼎沒於梁累官至宰輔 王鎔王處存傳稱梁爲僞梁
此傳亦云鼎沒于梁皆後唐史臣之詞

張昺傳

乾符三年出爲華州刺史其年冬檢校吏部尚書鄆州

攷異

舊唐書四

七

刺史天平軍節度觀察等使四年卒于鎮 按僖宗紀楊爲天平軍節度使在二年七月此云三年冬似誤也紀稱四年四月黃巢攻郟州陷之逐節度使薛崇蓋楊卒而崇代之新本紀楊卒于五年乃若承薛崇之後者誤之甚矣

輝王時拜中書侍郎平章事 本紀題哀帝而此傳及司空圖傳稱爲輝王似非史法

王徽傳

其先出於梁魏魏爲秦滅始皇徙關東豪族實關中此傳敘徽先世首尾二百餘言皆碑狀之辭文於史

例無當也

劉崇望傳

其先代郡人隨元魏孝文帝徙洛陽遂爲河南人八代祖隋大理卿坦生政會 政會傳在列傳第八卷崇望先世出於代北當見政會傳

徐彥若傳

父商咸通初加刑部尚書充諸道鹽鐵轉運使遷兵部尚書四年以本官同平章事六年罷相檢校右僕射江陵尹荆南節度觀察等使 按懿宗紀咸通六年二月以御史中丞徐商爲兵部侍郎同平章事四月

轉中書侍郎七年八月兼工部尚書八年十月兼刑部尚書十年正月以門下侍郎兼刑部尚書同平章事徐商檢校兵部尚書江陵尹荆南節度使蓋商以咸通六年入相十年罷相其拜相之初官止兵部侍郎中間三轉官至罷相出鎮始得檢校兵部尚書耳傳所書拜罷之年及官秩皆誤也

柳璨傳

堯為中書舍人判史館引為直學士 按史館無直學士之名蓋引為直館也唐時三館職事人皆以學士目之史家不察譌為直學士爾

若循兩省遷轉拾遺超等入起居郎 兩省供奉官拾遺從八品補闕從七品起居郎從六品給事舍人正五品諫議大夫正四品由拾遺敘遷當歷補闕若遷起居郎是為超等柳璨以拾遺驟加諫議入相越過正從九等

李可舉傳

中和中累官至檢校太尉 僖宗紀廣明元年六月加可舉檢校司徒同平章事唐自中葉以後方鎮以使相為最榮此傳書檢校太尉而不書平章事是舍重而舉其輕者矣

何進滔傳

累官至司徒平章事 新書宰輔表無進滔名蓋檢校司徒非真司徒也唐會要文宗朝使相五人亦無進

滔名

何宏敬 大中後宣宗務其姑息繼加官爵亦至使相

按武宗紀會昌四年八月以魏博節度使檢校尚書右僕射同平章事何宏敬進封廬江郡開國公是宏敬除使相乃在武宗朝非宣宗姑息使然也唐會要武宗使相四人宏敬已預其一

韓簡傳

遂移兵攻鄆鄆帥曹全晟出戰爲簡所敗死之鄆將崔君裕收合殘衆保鄆州簡進攻其城半年不下河陽復爲諸葛爽所襲簡因欲先討君裕次及河陽乃舉兵至鄆君裕請降尋移軍復攻河陽行及新鄉爲爽軍逆擊敗之 按朱瑄傳鄆帥薛崇爲王仙芝所殺鄆將崔君裕權知州事全晟知其兵寡襲殺君裕據鄆州自稱留後光啓初韓簡欲兼并曹鄆以兵濟河全晟出兵逆戰死之瑄收合殘卒保州城然則君裕權知鄆州乃在全晟之前全晟襲君裕而代之非全晟死而君裕爲之守也全晟旣死保鄆州者乃朱瑄

非君裕此傳殊疏謬矣兩傳卷第相連不知何以抵
牾若此

羅宏信傳

子威 當云紹威脫紹字

王重榮傳

乾寧初重盈卒 據唐會要重盈在僖昭兩朝皆在使

相之列重盈子珙亦昭宗朝使相也而傳皆不書

朱溫初伏鎮定 舊書例稱朱全忠獨王珂王處直兩

傳稱朱溫

諸葛爽傳

明年正月簡爲牙軍所殺 據此傳韓簡以中和元年

十一月爲爽所敗二年正月爲牙軍所殺而韓簡傳

云簡爲爽軍擊敗單騎奔迴疽發背而卒時中和元

年十一月也則簡但以兵敗病死非爲牙軍所害其

年月亦異僖宗紀亦云簡爲部下所殺而書于中和

三年二月其互異如此

宦官傳

田令孜 爲予報令公建至此無所歸也 僖宗紀中

和三年七月賜陳敬瑄鐵券已稱守太尉同平章事

此傳王建稱敬瑄爲令公蓋昭宗嗣位之始加至中

書令也

酷吏傳

王旭 曾祖珪貞觀初為侍中尚永寧公主 按珪封

永寧郡公未嘗尚主尚南平公主者珪之子敬直也

儒學傳

蓋文達 文懿者貝州宋城人 宋城當作宗城

文苑傳

袁朗 朗十三代祖漢司徒滂 此敘袁氏先世百六

十餘言冗雜無當大意謂琅邪王氏世有台輔不若

袁氏之世篤忠貞也

賀知章 知章與越州賀朝萬齊融揚州張若虛邢巨

按下文云朝萬止山陰尉齊融崑山令若虛兗州

兵曹巨監察御史皆舉其名今鄞縣有育王寺常住

田碑祕書監正字萬齊融撰蓋賀朝萬一人萬齊融

又一人也傳脫一萬字

李白 山東人 山東非唐時州縣之名杜甫詩雖有

山東李白之稱不可以入史也白既家任城即當云

任城人矣李琪傳云山東甲姓盧士玫傳云山東右

族其失與此同

李商隱 大中末仲郢坐專殺左遷商隱廢罷還鄭州

按柳仲郢節度東川時商隱在其幕府以仲郢傳
攷之則云大中年轉劍南東川節度使在鎮五年美
績流聞徵爲吏部侍郎非坐事左遷也其坐決賊吏
過當左遷則在鎮山南西道時其紀年爲咸通非大
中末商隱亦不在幕矣

隱逸傳

王績 兄通字仲淹隋大業中名儒號文中子自有傳
按通名附其孫勃傳非自有傳也

列女傳

宋庭瑜妻魏氏 隋著作郎彥泉之後也 彥泉當是

彥淵避唐諱追改

突厥傳

西有歌羅祿北有結骨 歌羅祿亦作葛邏祿聲之轉
也

黃巢傳

召故相駙馬都尉于琮於其第琮曰吾唐室大臣不可
佐黃家草昧加之老疾賊怒令誅之廣德公主并賊
號眺而謂曰予卽天子女不宜復存可與相公俱死
是日并遇害 此事已見于琮傳

楊復恭露布獻捷于行在陳破賊事狀 復恭露布七

攷異

舊唐書四

七

百餘言已載僖宗紀而巢傳又重出之當存此而刪
彼

忠武黃頭軍使龐從等三十都 僖宗紀作三十二都
龐從卽龐師古也

五代史一

廿二史攷異六十一

錢大昕學

目錄

唐太祖家人傳第二 按唐莊宗子繼潼繼嵩繼蟾繼
堯晉高祖叔父萬友萬詮等周太祖子侗信姪守愿
奉超遜世宗子誼誠等皆雜敘成文初非各自爲傳
而目錄一一列之殊非史例竊意歐史元目祇有家
人梁臣唐臣晉臣漢臣周臣歿節歿事一行唐六臣
義兒伶官宦者雜傳之名後之讀史者增注姓名於
目錄之下以優檢尋非歐史本文也

梁臣傳弟九 李唐賓附朱珍傳不當列入目錄

伶官傳弟二十五 伶官賤者不足立傳歐公類敘其

事為一篇以為後世鑒戒與它傳體例各別今獨取

敬新磨景進史彥瓊郭從謙四人列於目錄必非歐

公元本若依此例則周匝亦宜入目錄矣

雜傳弟三十 朱瑾宜附注朱宣之下此作大字另起

而又不書姓非也張歸霸之弟歸厚歸弁高行周之

從兄行珪監本皆作大字而不書姓唯汲古閣本得

之

雜傳弟三十七 皇甫暉宜附趙在禮傳

雜傳弟四十二 李琪傳附見其兄珽事監本日錄列

李珽於琪之前誤也汲古閣本分注於李琪之下當

從之

雜傳弟四十三 目錄有盧損一人而傳闕之

雜傳弟四十五 馬重績趙延義二人方技也故列於

雜傳之末歐史無列女傳惟王凝妻見馮道傳論賈

章女見安重榮傳

梁本紀一

其父誠以五經教授鄉里 按朱梁自稱舜司徒虎之

四十六代孫石氏自稱衛大夫碯之後劉氏自稱東

漢淮陽王昞之後皆當時詞臣傅會臆造故歐公削而不書

王鐸承制拜溫左金吾衛大將軍河中行營招討副使
按舊唐書僖宗紀承制拜華州刺史潼關防禦鎮
國軍等使

天雄軍亂囚其節度使樂彥貞 按唐書方鎮表天祐
元年賜魏博節度號天雄軍此彥貞被囚在文德元
年其時未賜天雄軍號蓋史家追稱之

淮西牙將申叢執秦宗權折其足 按申叢執宗權事
據唐書僖宗紀在文德元年十一月此繫於龍紀元

年者蓋因郭璠殺叢事而追敘之

曹州將郭紹賓殺其刺史郭饒來降 唐書昭宗紀曹

州將郭銖殺其刺史郭詞與此紀姓同而名異

戰於洹水擒克用子落落 唐本紀亦云
亡其子落落

按唐太祖家

人傳克用八子無落落名

取其泌隨鄧三州 泌當作唐書昭宗紀是年七月

朱全忠陷唐州隋州八月陷鄧州卽其事也曾三異

據唐地理志證泌字之誤其說良是但未及引昭宗

紀耳 曾氏校正祇有四條俱在第一
卷惟元槩本及汲古閣本有之

遣朱友謙殺允於京師曾三異校定曰案家人傳殺崔

允者朱友謀非友謙 友謀當作友諒此刊本之譌也全忠殺崔允唐書昭宗紀在天祐元年正月與此差一年

遣蔣元暉殺德王裕等九王於九曲池 九王謂德王

裕棣王禩虔王禊沂王禕遂王禕景王祕祁王祺雅

王名犯廟諱瓊王祥也見通鑑唐書昭宗紀失書沂雅二

王

梁本紀二

開平元年五月封子友文博王友珪郢王友璋福王友貞均王友徽建王姪一本脫姪字友諒衡王友能惠王友

誨邵王 按家人傳同日封者尚有賀王友雍一人

紀失之

二年三月封鴻臚卿李崧介國公 五代會要作李崧

四月翰林學士承旨禮部侍郎張策爲刑部侍郎同中

書門下平章事 按唐六臣傳策由中書舍人翰林

學士遷工部侍郎奉旨蓋梁祖之父名誠誠承同音

故改翰林學士承旨爲奉旨也開平三年九月翰林

學士承旨杜曉本傳亦作奉旨與此正同後唐以後

仍復承旨之名校書家失於稽攷并梁本紀中奉旨

字亦改爲承誤矣傳稱工部而紀云禮部攷之薛史

本傳則策由工部侍郎轉禮部及拜相乃轉刑部也
唐宋六部之次吏戶禮在左兵刑工在右吏兵爲前
行戶刑爲中行禮工爲後行由工而轉禮自右轉左
也由禮而轉刑自後行轉中行也此當時敘遷之格
攷官制者不可不知

五月潞州行營都虞候康懷英及晉人戰於夾城 夾
城梁人謂之夾寨以誠城同音避諱改稱也歐史作
夾城則據晉人之詞

六月忠武軍節度使劉知俊 按是年三月書匡國軍
節度使劉知俊此又書忠武軍者攷其年五月改匡

國軍爲忠武與許州節鎮兩易其名要之仍鎮同州
名異而實不異故知俊傳不云改忠武節度也

三年七月襄州軍亂殺其留後王班 劉玘傳稱山南
節度使

梁本紀三

貞明二年十月中書侍郎鄭珪同中書門下平章事

按本傳珪以中書舍人翰林學士奉旨拜中書侍郎
同中書門下平章事非由中書侍郎拜相也通鑑據
唐餘錄書禮部侍郎鄭珪爲中書侍郎平章事宜得
其實

六年四月河中節度使朱友謙襲同州殺其節度使程
全暉叛附於晉 按朱友謙傳友謙遣其子令德襲
同州逐節度使程全暉因求兼鎮則全暉未嘗被殺
也舊五代史末帝紀亦云友謙襲陷同州節度使程
全暉單騎奔京師可證此紀之誤

唐本紀一

盡忠與其子執宜 按唐書沙陀傳盡忠與朱邪執宜
謀不云其子且自金山至盡忠凡四世彼傳但稱沙
陀不系以朱邪則二人之非父子明矣兩史之互異
如此

咸通十三年徙國昌雲州刺史大同軍防禦使國昌稱
疾拒命國昌子克用尤善騎射爲雲州守捉使國昌
已拒命卓川乃殺大同軍防禦使據雲州自稱留後
唐以太僕卿盧簡方爲振武節度使會幽并兵討之
簡方行至鳳州軍潰由是沙陀侵掠代北爲邊患矣
明年僖宗卽位以李鈞爲靈武節度使宣慰沙陀六
州三部落使以招輯之拜克用大同軍防禦使 按
唐書沙陀傳克用以乾符三年殺文楚邊校共丐克
用爲大同防禦留後不許發諸道兵進捕諸道不甚
力而黃巢方引度江朝廷度未能制乃赦之以國昌

爲大同軍防禦使國昌不受命據五代史則國昌拒命在先克用據雲州在後據唐史則克用殺文楚在先國昌拒命在後且一云懿宗咸通之末一云僖宗乾符之年其互異如此攷舊唐書懿宗紀咸通十三年十二月以李國昌爲檢校右僕射雲州刺史大同軍防禦等使國昌稱病辭軍務是月李國昌小男克用殺雲中防禦使段文楚據雲州自稱防禦留後十四年三月以新除大同軍使盧簡方爲單于大都護振武節度使時李國昌據振武簡方至嵐州而卒與五代史大略相同惟五代史以嵐州爲鳳州則轉寫

之譌耳薛史武皇紀新書沙陀傳以爲乾符三年僖宗紀又以爲五年蓋均失之通鑑于咸通十三年書國昌徙大同防禦稱疾不赴至克用殺文楚事則書於乾符五年亦未甚核也

克用得從者薛鐵山賀回鶻等隨電光絕尉氏門出唐書沙陀傳克用與薛志勤等開關升南譙門絕走營志勤與鐵山蓋卽一人

遣弟克修將兵萬人 沙陀傳作克勤按唐家人傳太祖諸弟無名克勤者

葬克用於雁門 五代會要太祖葬建極陵

以朱邪為姓拔野古為始祖 五代會要懿祖諱執宜沙陀府都督拔野之六代孫

為契苾何力所敗遂沒不見 今攷唐書沙陀傳高宗朝即有沙陀金山從薛仁貴討鐵勒金山子輔國輔

國子骨咄支即盡忠之父也何云沒不見邪

唐本紀二

梁謝彥章軍於楊劉 李存進碑作陽留

同光元年閏月祖國昌祖妣秦氏皆諡曰文景 按五代

代會要國昌追尊文皇帝而太祖之母曰文景皇后

秦氏蓋帝諡文而后諡文景也紀以為皆諡文景者

失之 李存進碑亦稱獻祖文皇帝

二年二月羣臣上尊號曰昭文睿武光孝皇帝 五代

會要是年四月上尊號曰昭文睿武至德光孝皇帝

多至德二字又以二月為四月

四年四月皇帝崩注年四十三 按五代會要莊宗以

唐光啓元年十二月二十二日生於晉陽宮天祐二

十年四月即位於魏州年三十九同光四年崩年四

十二 光啓元年乙巳此云四十三者轉寫之譌也吳

鎮據此誤文謂莊宗以甲辰生乃疑破王行瑜獻捷

時不止十一歲則誤之甚矣克用破邢州孟方立飲

藥死在龍紀元年己酉其時莊宗恰五歲吳氏乃舉文

德元年戊申晉兵破奚忠信事以實之亦非也

唐本紀三

父霓為雁門都尉一本霓作電誤五代會要亦作霓

天成元年三月壬子通鑑作壬戌依長歷此月丁巳

朔無壬子日壬戌乃月之六日也當以通鑑為正三

條波

甲寅軍變通鑑作甲子乃三月八日也

丁巳以其兵南通鑑作丁卯

壬寅入汴州通鑑作壬午

四月丁亥莊宗崩丁亥下當有朔字

壬子魏王繼岌薨繼岌歿於非命似不當以薨書

八月平盧軍節度使霍彥威殺其登州刺史王公儼

按符習傳公儼擒平盧監軍楊希望殺之因自求為

節度使明宗乃以房知溫鎮平盧拜公儼登州刺史

公儼不時承命知溫擒而殺之此云霍彥威殺之未

知孰是薛史本紀亦作霍彥威

二年七月隨州刺史西方鄴取夔忠萬州按鄴傳云

拜夔州刺史不云為隨州刺史

長興四年八月戊申大赦是日上尊號曰聖明神武

列異

廣道法天文德恭孝皇帝見通鑑故有大赦歐史書赦而不書上尊號

其卽位時春秋已高明宗生於唐咸通八年丁亥以同光四年丙戌卽位恰六十歲矣

唐本紀四

愍皇帝 五代會要愍作閔

明宗第五子從厚也 按家人傳明宗四子從厚次居三五代會要帝號篇亦稱第三子而於諸王篇則云明宗第二子從璟第三子從榮第四子從璨第五子從益蓋其時以從珂爲長子又以姪從璨列於昆弟

之次則從厚當居第五而從益爲第六矣紀傳雖異詞要之各有所據

應順元年正月回鶻可汗王仁美遣使者來 按四夷

附錄稱唐莊宗冊王仁美爲英義可汗紀在同光二年是歲

仁美卒其弟狄銀立同光四年狄銀卒阿咄欲立天成二年權知國事王仁裕遣李阿山等來明帝遣使者冊仁裕爲順化可汗紀在三年晉高祖時又冊爲奉化

可汗仁裕訖五代常來朝貢今本紀於是年書仁美遣使者來又清泰二年書回鶻可汗王仁美使其都督劉福海來晉本紀天福三年書回鶻可汗王仁美

列異

五代史一

使翟全福來四年書封回鶻可汗王仁美為奉化可汗此四條仁美字似皆仁裕之譌

三月戊辰如衛州 此下當書皇帝崩而不書乃歐公之疏徐氏注謂當於廢帝紀書弒此亦文過之詞論史例自宜兩見如不書帝崩亦當云從珂入京師廢帝為鄂王庶幾首尾完備也

莊宗呼其小字曰阿三不徒與我同年 按潞王與莊宗皆以乙巳歲生故云同年

清泰元年四月弒鄂王 徐氏注失書愍帝之年按五代會要唐天祐十一年十一月二十八日生於晉陽

長興四年即位年二十一應順元年即清泰元年遇弒年

二十二此可据以補徐注之闕矣朕會要之文亦有

抵牾攷天祐十一年即梁乾化四年歲在甲戌應順元年歲

在甲午首尾僅二十一年若以年二十二推之當生

於天祐十年若果生於天祐十一年則年止二十有

一二者必有一誤也薛史年二十一

三年十一月皇帝崩注年五十三 按五代會要帝以

唐光啓元年正月二十三日生應順元年即位年五

十清泰三年崩年五十二此云五十三者亦傳寫之

誤也吳氏据此誤本謂潞王以甲辰生不可信

晉本紀一

天福二年五月追尊高祖璟 五代會要璟作景

曾祖柳 汲古閣本柳作彬 會要亦作柳

考紹雍廟號獻祖 紹雍卽臬捩鷄也後夏製名耳獻

祖五代會要作憲祖

六月張從賓寇河陽殺皇子重义寇河南殺皇子重信

按家人傳重義爲東都留守 卽河重信爲河陽三

城節度使則河陽所殺者當是重信河南所殺者乃

是重義也義义音相同實卽一人

三年八月馮道及左僕射劉昫爲契丹冊禮使 按遼

史會同元年晉遣守司空馮道左散騎常侍韋勳來

上皇太后尊號左僕射劉煦右諫議大夫盧重上皇

帝尊號此紀所書者兩正使之名耳

四年正月旌表淡州民李自倫門閭 按一行傳稱淡

州司功參軍李自倫則非編戶之民也

七年六月皇帝崩於保昌殿 保昌殿在鄴都

注年五十二 按五代會要晉高祖以唐景福元年 壬

歲二月二十八日生清泰三年卽位年四十五天福

七年 壬寅崩年五十一此云五十二者轉寫之譌

晉本紀二

攷異

五代史一

七

高祖六子五皆早歿 攷家人傳及會要高祖子凡七
人重英重义重允重信重進重杲皆先歿此紀云六
子五皆早歿者誤也

天福七年十一月葬聖文章武孝皇帝於顯陵 章武
下脫明德二字

開運三年十二月奉國都指揮使王清 本傳作奉國
都虞候

漢本紀

天福十二年四月蕃漢兵馬都孔目官郭威 按周本
紀不言爲孔目官吏之闕也

秋閏七月 依史例當書閏月

天平軍節度使高行周爲鄴都行營都部署 按薛史

高祖紀是年七月以鄴都留守天雄軍節度使杜重

威爲宋州節度使以宋州節度使高行周爲鄴都留

守其時天平節度李守貞與河中節度白文珂亦互

相夏代初無行周移鎮天平之事蓋歐史誤也

周本紀一

隱帝卽位是歲三月河中李守貞永興趙思綰鳳翔王
景崇相次反 按漢本紀惟守貞反在三月思綰則
以四月景崇則以七月此紀總繫之三月非也李守

貞傳云守貞乃決計反而趙思綰先以京兆反遣人以赭黃衣遺守貞守貞大喜又與漢本紀不同

詔鎮寧軍節度使李宏義 宋史作洪義蓋宋初避諱

改名也子因悟李業即宏義之弟亦當名宏業史家

避諱省上一字耳

請立泰寧軍節度使贊為副 泰寧當作武寧徐州軍

號也

周本紀二

本姓柴氏邢州龍岡人也 按周太祖家人傳聖穆皇

后柴氏邢州堯山人也與太祖同里遂以歸焉太祖亦堯

山此紀稱龍岡與傳互異後山談叢云歐陽五代史周家人傳柴后邢州龍岡

人世宗紀為堯山人後山所引與今本正相反恐是誤記

顯德元年七月樞密院直學士工部侍郎景範為中書

侍郎同中書門下平章事 按宰相除罷例皆書範

獨不書罷免月日據通鑑二年八月範罷判三司尋

以父喪罷政事歐史偶失書耳

顯德四年四月追冊彭城郡夫人劉氏為皇后 按世

宗追冊劉后本紀書之太祖追冊柴后則不書此義

例之未一者

六年六月封子宗訓為梁王宗誼燕國公 按宗誼世

宗長子漢末為劉銖所殺顯德四年追封越王凡追封之王本紀例不書此必誤也以家人傳證之當為宗讓之謔宗讓即甌讓恭帝之弟

薛史本作宗讓

五代史二

廿二史攷異六十二

錢大昕學

梁家人傳

文惠皇后王氏其生三子長曰廣王全昱次日朗王存次太祖后少寡攜其三子備食蕭縣人劉崇家黃巢起太祖與存俱亡為盜從巢攻廣州存戰歿按太祖紀云父誠生三子曰全昱存溫誠卒三子貧不能為生與其母備食蕭縣人劉崇家黃巢起曹濮存溫亡入賊中巢攻嶺南存戰歿與此文已為重出而此傳敘朗王存事又云初與太祖俱從黃巢攻廣州存

戰歿何其詞之不憚煩也

太祖卽位立四廟追尊皇考爲文穆皇帝 按立四廟上父諡已見本紀此亦可省

元貞皇后張氏 末帝立追諡曰元貞皇太后 太字衍

末帝德妃張氏 貞明五年妃病甚帝遽冊爲德妃其夕薨 按康王友孜傳妃薨於貞明元年此云五年誤也汲古閣本無五字

次妃郭氏 度爲尼賜名誓正 誓當作誓卽辯字六朝俗體所謂巧言爲辯也

太祖二兄曰全昱曰存 按太祖二兄之名一見於本紀再見於文惠后傳此則三見矣歐史本以簡勝今卽此篇論之其重複可省者正復不少也

其一養子曰友文 五代會要以友文爲第二子

開平元年五月乙酉封友文爲博王 諸王受封之日已具本紀而傳又書之是亦可省也唐太祖家人傳同光三年十二月辛亥封存美等唐明宗家人傳天福四年九月癸未封李從益周世宗家人傳顯德六年六月癸未封宗訓等其月日皆可省

貞明二年全昱以疾薨 五代會要贈尙書令諡德靖

貞明四年友能以陳州兵反紀在龍德元年

唐太祖家人傳

大將軍李存信等軍字衍

同光二年四月巳卯皇帝御文明殿遣使冊劉氏為皇后
按本紀是年二月癸未立劉氏為皇后與此傳

月日不同五代會要云四月十三日行皇后冊禮今
檢通鑑長歷是月巳巳朔則巳卯乃十一日亦非十

三日也

後嫁契丹突厥李贊華突厥當作突欲李贊華即突
欲之賜姓名也史或稱本名或稱賜名不當重出

太祖四弟曰克讓克脩克恭克寧皆不知其父母名號

按唐書宰相世系表國昌子克恭克儉克用克柔
四人克恭乃克用之兄而五代史以為克用弟克柔
之名見於義兒傳而家人傳不及焉皆歐公之疏也

克讓克脩克寧三人疑非國昌之子唐書孟方立傳
克脩克用從父

弟

存義 目錄唐本紀伶官傳俱作存義

唐明宗家人傳

和武憲皇后曹氏 曹后與廢帝俱焚歿此諡乃晉天

福五年正月所上晉高祖所尚公主即其女也故為

追行冊諡歐史不載追諡事亦太疏矣五代會要憲作顯

魏氏初適平山民王氏生子十歲矣明宗為騎將掠平

山得其子母以歸 此事又見廢帝紀此云十歲而

紀云十餘歲亦小異

從榮大宴元帥府諸將皆有頒給控鶴捧聖嚴衛使人

馬一匹絹十匹 按五代會要應順元年三月改左

右羽林四十指揮為嚴衛左右軍龍武神武四十指

揮為捧聖左右軍此從榮為元帥在明宗朝似不應

有捧聖嚴衛之名

有姪四人曰從璨從璋從溫從敏 五代會要以從璨

為明宗第四子

從璋天福二年卒 舊史晉高祖紀贈太師

從溫歷安國忠武義武成德武寧五節度封堯王晉高

祖立復為忠武軍節度使 按舊史唐明宗紀長興

元年六月以左武衛上將軍李從溫為許州節度使

二年九月移鎮河東四年正月為鄆州節度使五月

封堯王十一月為定州節度使閔帝末帝二紀失載

從溫事晉高祖紀天福二年泰寧軍節度使李從溫

加食邑實封三年加兼侍中五年為徐州節度使少

帝紀天福七年加兼中書令八年為許州節度使歐

史失書河東天平州即鄆泰寧三鎮其鎮武寧乃在晉

高祖時其復鎮忠武則在出帝時歐史皆失之也又

按唐中葉以後諸道節度使帶平章事兼侍中中書

令並列銜於勅牒後側書使字故有使相之稱五代

因之在京樞密三司使及侍衛親軍都指揮使等加

相銜者亦使相也歐史於諸節度加相銜者往往略

而不書則使而非相矣五代會要每帝宰相若干人

使相若干人各書其姓名當時之重使相如此今據

舊史以補歐公之闕

徙河陽三城卒於官 按舊史從溫以開運三年卒贈

太師

從敏漢高祖時為西京留守 按舊史漢高祖紀天福

十二年以從敏為西京留守加同平章事少帝紀乾

祐元年三月加兼侍中

周廣順元年卒贈中書令 予論歐史於使相不應略

而不書或謂當時藩鎮之權已重不係乎相銜之有

無果爾則如秦王從榮雍王重美之加平章事何以

不刪乎生前之侍中中書令平章事尚可不書追贈

之中書令又何足書乎此史例之當歸畫一者未可

置而不論也

唐廢帝家人傳

應州渾元人也 渾元蓋卽渾源避唐明宗諱改爲元
字爾

清泰二年爲樞密使天雄軍節度使 按本紀清泰二
年五月宣徽南院使劉延皓爲樞密使七月劉延皓
罷蓋由樞密出爲天雄軍節度也此文樞密使之下
當有出爲二字

愍帝遣人殺重吉於宋州 五代會要清泰元年七月
追冊爲太尉立廟於宋州

晉家人傳

后初號永寧公主清泰二年封魏國長公主 按五代
會要永寧公主天成三年四月封至長興四年正月
改封魏國公主清泰二年三月進封晉國長公主此
傳云清泰二年封魏國者誤也唐家人傳曹后生晉
國公主卽敬瑭所尚者而此傳不見晉國之名亦疏
漏

公主自太原入朝于春節 五代會要廢帝正月二十
三日生以其日爲于春節

德光報曰可無憂管取一喫飯處 此語又見契丹附
錄

漢家人傳

太祖入京師以謂漢大臣必相推戴及見宰相馮道等道殊無意太祖不得已見道猶下拜道受太祖拜如平時此事又見馮道傳

周世宗家人傳

宣懿皇后符氏其祖秦王存審父魏王彥卿按存審傳失載封爵五代會要周顯德元年進封衛王符彥卿爲魏王史亦失書

朱珍傳

珍軍已入甕城而垂門發垂門卽懸門也宋人避聖

祖嫌名改爲垂字

葛從周傳

拜昭義軍節度使封陳留郡王食其俸於家是時澤潞爲晉所有但假其名以寵從周俾食其俸耳王景仁爲寧國軍節度使奉朝請袁建豐遙領鎮南軍節度使俾食其俸此兩鎮亦非梁所有皆遙領也宋世節度使在家食俸蓋亦因於五代然攷諸唐史昭宗天復初孫德昭爲靜海軍節度使孫承誨邕州節度使董從實容州節度使竝同平章事此三使相遙領邊鎮皆不之任又朱全昱領嶺南西道節度使朱友

寧領邕州節度使朱友倫領容州節度使皆在唐末
卽唐盛時皇子除節度大使者亦皆不之鎮也五代
會要梁末帝使相三十二人從周居其一予嘗見從
周神道碑云檢校太師兼侍中此歐史所失書也
張存敬傳

譙郡人也 當云亳州人

取其瀛漠祁景四州 漠當作莫

符道昭傳

晉兵攻破夾城道昭戰歿 按五代會要梁太祖朝使
相二十七人道昭居其一據薛史則唐昭宗時授秦

州節度使已加平章事矣歐史竟不書其所授之官
文雖簡而非史法

寇彥卿傳

拜彥卿感化軍節度使 梁置感化軍於華州而移鎮
國軍額於陝州寇彥卿康懷英之鎮感化皆在華州
張歸厚爲鎮國軍節度則治陝州也

康懷英傳

徙鎮永平卒於鎮 按薛史懷英爲感化節度使已加
平章事

劉鄩傳

文獻

五代史二

以長安爲永平軍拜鄆節度使 薛史末帝紀乾化四年以永平軍節度使檢校太傅同平章事劉鄆爲開封尹遙領鎮南軍節度使則鄆在永平時已爲使相矣

子遂凝遂雍事唐皆爲刺史 遂凝官隰州刺史見范延光傳又爲華州節度使見一行傳

鄆妾王氏有美色鄆卒後入明宗宮中是爲王淑妃明宗晚年淑妃用事鄆二子皆被恩寵 此事已見唐家人傳若依劉知幾點煩之例稍易其文云明宗晚年王淑妃用事鄆故妾也故鄆子皆被寵而其它盡

芟之則文省而意更顯矣

張歸霸傳

開平二年拜河陽節度使以疾卒 據會要歸霸於太祖末帝時皆爲使相則其卒當在乾化三年以後而鎮河陽時已加平章事也

楊師厚傳

潁州斤溝人也 唐宋地理志皆無斤溝縣胡三省云九域志潁州萬壽縣有斤溝鎮萬壽唐汝陰縣之百尺鎮也開寶六年置縣

王景仁傳

文具

五代史二

九

乾化元年正月庚寅日有食之 按司天攷是年正月
丙戌朔日有食之五代會要梁開平五年正月丙戌
朔日食卽乾化元年也以通鑑長歷推之正月朔合
是丙戌此云庚寅而不書朔皆失之
是日景仁及晉人戰大敗於柏鄉 按梁本紀正月丁
亥景仁及晉人戰於柏鄉敗績則非庚寅亦非日蝕
之日攷五代會要月蝕篇云正月二日爲唐莊宗敗
於柏鄉則紀書丁亥日爲是矣吳氏纂誤亦舉此二
事而疑而未決故特攷正之

賀瓌傳

末帝時遷左龍虎統軍宣義軍節度使 按薛史貞明
三年除宣義軍節度使加檢校太傅同平章事

王檀傳

徙鎮天平 通鑑云兼中書令

安重誨傳

徙陷彥溫於歿而不能去潞王之患李嚴一出而知祥
貳仁矩未至而董璋叛 楊彥溫孟知祥李仁矩不
書姓而書名前史無此例雖下文有之狀先後殊倒
置矣此篇乃歐公用意之作狀敘事之中雜以斷制
大似論體蓋學史記而失之

戶部尚書李鱗得吳諜者言徐知誥欲舉吳國以稱藩願得安公一言以爲信鱗卽引諜者見重誨重誨大喜以爲然乃以玉帶與諜者使遺知誥爲信其直千緡初不以其事聞其後逾年知誥之問不至始奏貶鱗行軍司馬 此事又見李鱗傳鱗傳稱楊溥而此云徐知誥知誥相溥專其國政故也

重誨過鳳翔節度使朱宏昭延之寢室使其妻子奉事左右甚謹重誨酒酣爲宏昭言昨被讒構幾不自全賴人主明聖得保家族因感歎泣下重誨去宏昭馳騎上言重誨怨望 此事又見宏昭傳

但恨不與國家除去潞王 按重誨歿於長興二年閏五月而從珂之封潞王乃在四年五月重誨口中安得稱潞王乎此亦歐史之失檢也

周德威傳

其小字陽五 葛從周碑作揚五

符存審傳

拜忠正軍節度使侍衛馬步軍都指揮使 按後唐天成三年升壽州爲忠正軍州屬淮南不在唐疆域之內蓋遙領也藥彥稠以侍衛步軍都虞候領壽州節度使與此同

史建瑋傳

晉王東追黃巢於冤胸還過梁軍其城北梁王置酒上源驛獨敬思與薛鐵山賀回鶻等十餘人侍晉王醉留宿梁驛梁兵夜圍而攻之敬思登驛樓射殺梁兵十餘人會天大雨晉王得與從者俱去縋尉氏門以出此事已見唐本紀本傳祇敘敬思歿事自可以一二語了之

元行欽傳

及莊宗之崩不能自決而反逃歿以求生予謂行欽之不負莊宗明矣其出奔也安知非志出於復讎歐

陽之論所謂責人斯無難也

符習傳

後徙鎮安國又徙平盧按薛史同光元年加同平章事天成元年加兼侍中

孔謙傳

鄴北都也宜得重人鎮之非張憲不可崇韜以為然因以憲留守北都按唐本紀同光元年以魏州為東京即鄴也張憲傳亦云為東都副留守此作北都誤

李巖傳

知祥發怒曰天下藩鎮皆無監軍安得爾獨來此此乃

孺子熒惑朝廷爾卽擒斬之明宗不能詰也 此語亦見後蜀世家

毛璋傳

璋累歷藩鎮 按薛史天成元年邠州節度使毛璋加同平章事亦使相也

朱宏昭傳

以宏昭與馮贇代延壽延光 按五代會要明宗使相三十八人愍帝使相二十三人宏昭贇皆與焉又會要載長興四年九月敕馮贇有經邦之茂業宜進位于公台但緣平章字犯其父名不欲斥其家諱可改

同平章事為同中書門下二品此亦有關於官制者而歐史略不及焉何也 宏昭以樞密使加平章事亦使相也

藥彥稠傳

拜澄州刺史 職方攷不載此州攷唐志嶺南道有澄州蓋遙授非正任也

蕭希甫傳

幽州李紹宏薦希甫為魏州推官 按歐史之例凡稱某州某人者皆節度使也是時幽州節度使周德威戰歿晉王自領節度以紹宏提舉軍府事宜者傳有宣徽使馬紹宏嘗賜姓李卽其人也

希甫希旨誣奏革縱田客殺人而說與鄰人爭井 此事亦見豆盧革傳

桑維翰傳

及維翰為樞密使復奏置學士 五代會要開運六年六月勅翰林學士與中書舍人舊分為兩制各置六員偶自近年暫停內署况司詔命必在深嚴將使從宜却仍舊貫宜復置翰林學士院以本紀攷之正維翰除樞密使之月也

景延廣傳

出帝立延廣有力頗代其功 按通鑑天福七年七月

加延廣同平章事開運元年四月加兼侍中出為西京留守傳皆失書

李業傳

高祖皇后之弟也后昆弟七人業最幼 按宋史李洪信傳稱后弟六人又稱洪義為洪信之少弟與此傳異薛史亦稱業昆仲凡六人此七字蓋六之譌 侍衛馬軍都指揮使閩晉卿等 按周本紀稱客省使閩晉卿蓋以客省使領侍衛馬軍也

後贊傳

後贊通鑑作後匡贊史避宋諱省上一字

後贊

五代史二

十四

列傳

王朴傳

顯德三年拜戶部侍郎樞密副使遷樞密使 按周本

紀顯德三年九月端明殿學士左散騎常侍王朴為

尚書戶部侍郎樞密副使四年八月王朴為樞密使

傳并為一年事誤矣朴遷樞密使當書於留守京師

之下

鄭仁誨傳

顯德元年拜樞密使 按通鑑是年正月為樞密使同

平章事五月兼侍中傳皆失書

諡曰忠正 按諡法無正字本當諡忠貞避宋諱追改

耳張承業諡正憲亦當為貞字

夏魯奇傳

徙鎮武信 按通鑑長興元年四月加魯奇同平章事

傳失書

王思同傳

興元張虔釗攻城西督戰甚急士卒苦之反兵攻虔釗

虔釗走羽林指揮使楊思權呼曰潞王吾主也乃引

軍自西門入降從珂 此事又見楊思權傳

張敬達傳

徙鎮武信晉昌 胡三省云明宗置武信軍於遂州尋

改異

五代史二

五

爲孟知祥所陷敬達未嘗往鎮晉得中國始改長安
爲晉昌軍歐史攷之未詳也通鑑書敬達自建雄節
度代敬瑭建雄軍晉州也歐誤以晉昌耳又不知武
信緣何而誤予按舊史末帝紀清泰二年十一月以
徐州節度使張敬達爲晉州節度使舊敬達傳亦云
自彭門移鎮平陽則武信當是武寧之譌武寧徐州
軍額也

翟進宗傳

翟進宗張萬廸者皆不知其何人也 萬廸爲楊光遠
脅降以罪誅歿不在歿事十五人之列傳宜別而出

之讀開端二語似阜白不分矣

史彥超傳

彥超爲漢龍捷都指揮使 按五代會要周廣順元年
四月改侍衛馬軍曰龍捷左右軍步軍曰虎捷左右
軍御撰其名是漢時尚無龍捷之名殆因下文有虎
捷字而併追書之耳

孫晟傳

亟召侍衛軍虞候韓通 按韓通名惟此傳及契丹附
錄兩見之昔人譏歐陽公不爲通立傳失春秋之旨
予攷前史之例如王凌母邱儉諸葛誕之歿魏未亡

也故列於魏志袁粲劉秉之歿宋未亡也故列於宋書若通之歿事乃在宋已受禪之日於例不當入五代史矣五代史七十四篇自世家而外絕不涉宋一字符彥卿李洪信等功名顯於五代而沒在宋初卽不爲立傳史家限斷之法宜爾不得以通一人而紊其例也

鄭遨傳

唐明宗祖廟諱遨 明宗曾祖名敖與遨同音

石昂傳

昂旣去而晉室大亂 此語亦可省

李自倫傳

天福四年 天福上當有晉字

唐六臣傳

初唐天祐三年 三當作二攷唐書本紀彗出西北及裴樞等之見殺皆天祐二年事

守太保致仕趙崇 按唐本紀崇官檢校司空兼太子太保此稱守太保者誤也

明年三月唐哀帝遜位於梁 白馬之禍在天祐二年其四年哀帝遜位梁本紀與唐史所載同獨此傳誤以爲三年事故云明年其實中隔一年也

攷異

張文蔚 昭宗遷洛拜中書侍郎同中書門下平章事
據唐史本紀及宰相表文蔚拜相在哀帝時非昭

宗時

張策 河西燉煌人也 按漢魏六朝以郡領縣故稱
人里居者必舉其郡唐宋則以州領縣故例書州而
不書郡此史張策李琪稱河西燉煌人薛貽矩裴迪
稱河東聞喜人皇甫遇稱常山真定人史圭稱常山
石邑人李愚稱渤海無棣人皆舉郡而不舉州此體
例之可議者也若開封大名當時嘗升爲府則例當
書府不書州如氏叔琮張廷蘊之稱開封馬全節劉

詞之稱大名是也

李嗣昭傳

天祐三年 按天祐改元晉王仍稱天復及梁篡位晉
始稱天祐四年傳據晉事而言當云天復六年不當
稱天祐也

還營而卒 五代會要長興二年四月勅故昭義節度
使李嗣昭故幽州節度使周德威故汴州節度使符
存審配享莊宗廟歐史惟德威傳載配享事而嗣昭
存審篇中則失之

李存進傳

攷異

五代史二

七

存進振武人也 按呂夢奇撰存進神道碑云字光嗣

樂安人也

太祖攻破朔州得之賜以姓名養為子從太祖入關破黃巢以為義兒軍使 此傳敘歷官本末頗略以存進碑攷之國昌帥振武時存進已在麾下及從克用立功為節度押衙左廂衙隊威雄第一都副兵馬使奏授銀青光祿大夫檢校太子賓客兼監察御史大順元年遷殿中侍御史景福二年五月始賜姓名補充右廂義兒第一院軍使其時距入關破巢幾及十年攻破朔州又在其前安得即有賜姓名為養子之事乎

事乎

歷慈沁二州刺史 以存進碑攷之則太祖時已嘗權知汾石二州軍州事莊宗時真授石州刺史再知汾州軍州事又授慈州刺史又權知沁州軍州事蓋未嘗真授沁州刺史也

以為天雄軍都部署 通鑑作天雄都巡按使攷異云莊宗實錄稱軍城使存進傳作都部署莊宗列傳及薛史存進傳皆云天雄軍都巡按使今從之予攷存進碑本云天雄軍都部署巡檢使它書作巡按者即巡檢之譌或云都部署或云都巡檢各就省文似異

而實同也

存進亦歿於陣 碑云年六十八

子漢韶 碑載存進七子漢韶漢威漢殷漢郇漢筠祿

兒歡兒史惟載漢韶一人

伶官傳

皇后劉氏素微其父劉安賣藥善卜號劉山人 此語

又見唐家人傳

四月丁亥朔朝羣臣於中興殿 莊宗歿於洛陽中興

殿絳霄殿皆在洛中傳但云東幸汜水而不云還洛

亦疎漏也

五代史三

廿二史攷異六十三

錢大昕學

王鎔傳

其先回鶻阿布思之遺種曰沒諾干為鎮州王武俊騎

將武俊錄以為子遂冒姓王氏沒諾干子曰末坦活

未坦活子曰昇昇子曰廷湊 按舊唐書王武俊傳

武俊初號沒諾干唐書張孝忠傳燕趙間共推張阿

勞王沒諾干二人齊名沒諾干王武俊也王廷湊傳

曾祖五哥之王武俊養為子故冒姓王宰相世系表

安東王氏五哥之生末坦活末坦活子升朝升朝子

廷湊

舊書廷湊傳敘其世系與表正合

狀則沒諾干與王武俊乃是

一人而廷湊之曾祖自名五哥之非沒諾干也五代史誤矣坦怛聲相近升朝或作昇未知誰是

唐中和二年卒子鎔立 通鑑景崇卒在中和三年

羅紹威傳

魏博牙軍亂逐殺其帥樂彥貞 新舊唐史皆作彥禎

此作貞者宋人避仁宗諱改之

立其將趙文建為留後 舊唐書樂彥禎羅宏信傳皆

作文珩

諡曰貞壯、五代會要作貞懿

劉守光傳

匡威為弟匡儔所逐 唐書作匡籌

李茂貞傳

光啟元年朱玫反僖宗出居興元 唐書僖宗紀在光

啟二年

加拜茂貞尚書令封岐王 此事不著年月據通鑑則

天復元年正月事也今攷舊唐書昭宗紀景福元年

以岐王李茂貞為興元尹山南西道節度等使是茂

貞之封岐王已久至景福二年十一月制以鳳翔節

度使李茂貞守中書令進封秦王則已由岐而進王

秦矣不應至是始封岐王也

但稱岐王開府置官屬 今鳳翔法門寺有碑題云大唐秦王重修法門寺塔廟記天祐十九年二月禮部郎中薛昌序撰文蓋茂貞稱制時所立稱茂貞爲秦王不云岐王朕則唐亡以後茂貞自稱秦王可證也岐者一州之名秦者大國之號茂貞在昭宗朝已封秦王必不舍秦而稱岐且同時吳晉燕趙諸鎮皆取大國名茂貞何故輒自貶降必不朕矣以妻爲皇后 當云王后蓋取戰國及漢初諸侯王妻稱后之例胡三省謂妻之貴踰於其夫者妄也

莊宗已破梁茂貞稱岐王上牋及聞入洛乃上表稱臣遣其子從曦來朝莊宗以其耆老甚尊禮之改封秦王 按通鑑同光二年二月進岐王爵爲秦王攷異云茂貞改封秦王薛史無的確年月實錄同光元年十一月已稱秦王茂貞遣使賀收復自後皆稱秦王至二年辛巳制秦王李茂貞可封秦王豈有秦王封秦王之理必是至是時始自岐王封秦王也予謂茂貞在唐昭宗時已封秦王實錄所書本不誤溫公以意改之却非其實何也茂貞唐之舊藩與河東均附屬籍其上牋莊宗猶以季父行自處儼狀敵國之禮

至是始上表稱臣乃因其舊封授之錫以冊命上云
秦王者茂貞自稱下云秦王者莊宗所命於文義何
嫌歐史之誤與溫公同

茂貞承制拜從曦彰義軍節度使 按通鑑同光二年
加中書令

廢帝入立復以從曦爲鳳翔節度使卒年四十九 按
五代會要從曦在晉高祖朝使相之列據薛史本紀
從曦以開運三年十月卒則晉少帝朝猶是使相也
歐史不書其卒年似卒於唐世矣從曦有子承吉見
蘇逢吉傳

李仁福傳

當唐僖宗時有拓拔思敬者 思敬當作思恭宋人避
敬字多改爲恭而同時又有拓拔思敬其人者乃併
思恭亦誤轉爲敬矣

開平二年思諫卒 按舊史世襲傳開平元年授檢校
太尉兼侍中

其弟彝興 五代會要通鑑皆作彝殷後避宋朝諱改
名彝興

韓遜傳

軍中立其子洙爲留後梁卽以爲節度使 按舊史本

紀貞明四年加洙同平章事唐同光二年兼侍中

至莊宗時 莊宗上當有唐字

天成四年洙卒卽以洙子澄為朔方軍留後其將李賓

作亂澄乃上章請帥於朝 按康福傳以澄為洙之

弟通鑑此云洙子似誤彼傳作李從賓此云李賓蓋

史家避後唐諱省一字猶杜重威避晉諱而稱杜威

也通鑑又按韓洙於莊宗時加兼侍中至明宗天

成四年乃卒五代會要梁末帝使相三十二人唐莊

宗使相三十二人皆有洙名而明宗使相二十八人

無洙名亦攷之未審也

高萬興傳

是時周密為彰信軍節度使 彰信當作彰武延州軍

額也

以允權為留後聞漢高祖起太原遂歸漢卽拜節度使

按五代會要允權在漢隱帝周太祖朝皆在使相

之列薛史乾祐元年加同平章事周廣順元年加兼侍中

廣順三年卒 廣順上當有周字

溫韜傳

茂貞又以美原縣為鼎州建義勝軍 按義勝軍治耀

州鼎特其屬州耳文義未明白且鼎州之名已見職

方攷此傳可省

以韜爲節度使 茂貞承制加同平章事其後事梁事
唐皆仍其舊官故五代會要入之梁末帝唐莊宗使
相之列

明年流於德州賜死 韜有子延沼見婁繼英傳

雷滿傳

楊行密攻杜洪於鄂州荆南成汭出兵救洪汭戰敗溺
水死於君山滿襲破荆南不能守焚掠殆盡而去

按趙匡凝傳成汭死雷彥恭襲取荆南匡凝遣其弟
匡明逐彥恭兩傳同在一卷之中而自相乖舛攷唐

書昭宗紀天復元年武貞軍節度使雷滿卒其子彥
威自稱留後其三年荆南節度使成汭及楊行密戰
於君山死之武貞軍節度使雷彥威之弟彥恭陷江
陵則襲取荆南乃彥恭非滿也

天祐中滿卒子彥恭自立 按唐史滿卒於天復元年
子彥威繼之

趙匡凝傳

子匡凝自立是時成汭死雷彥恭襲取荆南 按匡凝
自立据通鑑在景福元年壬子而成汭之戰死在天
復三年癸亥相距十有二年何得云是時乎

是時梁已破克鄆遣氏叔琮康懷英等攻匡凝叔琮取
泌隨二州懷英取鄧州匡凝懼請盟乃止 按唐史
梁破克鄆在乾寧四年丁巳梁取唐州即泌隨鄧三州
在光化元年戊午皆在天復紀元之前敘事殊爲顛
倒若移成汭歿以下五十八字於請盟乃止之下則
首尾有倫矣

朱宣傳

宣乃去事青州節度使王敬武爲軍校敬武以隸其將
曹全晟 按全晟卽全晟也攷通鑑全晟於廣明元
年由淄州刺史爲天平節度使而王敬武之得青州

乃在中和二年則全晟不得爲敬武部將而朱宣爲
平盧軍校時敬武尚未得節度也

鄆州節度使薛宗卒其將崔君預自稱留後 按唐書
本紀乾符四年黃巢陷鄆州天平軍節度使薛崇歿
之五年天平軍節度使張勣卒牙將崔君裕自知州
事是薛崇之後尚有張勣一人與此傳不合崇與宗
裕與預形聲相涉而譌

王師範傳

唐廣明元年無棣人洪霸郎爲盜齊棣間平盧節度使
安師儒遣敬武率兵擊破之敬武反兵逐師儒自稱

列傳

留後 按唐書王敬武逐安師儒在中和二年

孟方立傳

唐廣明中潞州節度使高郢攻諸葛爽於河陽遣方立將兵出天井關為先鋒郢為其將劉廣所逐廣為亂兵所殺方立引兵自天井入據潞州 按唐書方立傳中和元年昭義節度使高郢擊黃巢戰石橋不勝保華州為裨將成鄰所殺還據潞州方立率兵攻鄰斬之自稱留後中和元年即廣明二帝也彼云成鄰殺郢而代之與此傳不合舊唐書僖宗紀新唐書王徽傳與此傳同

王珂傳

重榮卒弟重盈立 唐書以重盈為重榮之兄

馮行襲傳

洋州葛佐辟行襲行軍司馬使以兵鎮谷口通秦蜀道

按唐書行襲傳

附劉巨容傳

武定節度使楊守忠表為

行軍司馬使領兵搃谷口以通秦蜀武定者洋州軍號也而節度使名姓各別攷舊唐書宦官傳守忠乃楊復光假子葛佐始其本姓名也

事梁官至司空 按五代會要行襲在梁太祖朝使相

之列

薛史本傳官至兼中書令

文選

五代史三

氏叔琮傳

太祖遣友寧兵萬人友寧上當有朱字

孫德昭傳

季述將朝德昭伏甲士道旁邀其輿斬之據唐書官

者傳德昭所斬及所擲之首乃王仲先非劉季述也

此傳恐誤

蔣殷傳

是時哀帝方卜郊殷與蔣元暉等有隙因譖之太祖言

元暉等教天子卜郊祈天且待諸侯助祭者以謀興

復太祖大怒此事亦見孔循傳

丁會傳

光啟四年東都張全義襲破河陽逐李罕之罕之召晉

兵圍河陽全義告急據梁本紀此事在文德元年

即光啟四年也且此事已詳見罕之全義兩傳何必

又縷述之當云李罕之召晉兵圍張全義於河陽太

祖遣會及葛從周將萬人救之則文簡而當矣

莊宗立以會為都招討使按五代會要會在莊宗朝

使相之列似同光初會尚無恙薛史天祐七年十一月卒

賀德倫傳

仍為天雄軍以德倫為節度使按五代會要德倫在

未帝使相之列

未帝優詔荅之言王鎔歿鎮人請降遣鄴以兵定鎮州非有它也 按魏博軍亂在梁貞明元年即天祐十二年也王鎔歿在天祐十八年與此時初不相涉若云以給魏軍則鎮魏二州壤地相接聲息易通非可

以此相欺也

閻寶傳

貞明三年賀德倫以魏博降晉

當云貞明元年張源德傳

亦誤作三年

康延孝傳

二年遷保義軍節度使

當云同光二年

左廂馬步軍都指揮使董璋

據璋傳為行營右廂馬

步軍都虞候

朱友謙傳

以其子令德為遂州節度使

按五代會要莊宗朝使

相有朱令得即令德也

據薛史本紀令德在同州節度使任已加平章事矣

袁象先傳

末帝留守東都以大事謀於趙巖巖曰此事如反掌耳但得招討楊令公一言諭禁軍則事可成 此語已見楊師厚傳宜去此存彼

未帝卽召龍驤軍在東京者告之曰上以重遇故欲盡
召龍驤軍至洛而誅之乃僞爲友珪詔書示之龍驤
軍恐懼不知所爲因告之曰友珪弑父與君天下之
賊爾能趨洛陽擒之以其首祭先帝則所謂轉禍而
爲福也軍士踴躍曰王言是也 此事已見未帝紀
詞意略同亦宜去此存彼
在宋州十餘年 按象先以貞明四年爲平盧節度使
其徙鎮宣武未詳何年就使當年移鎮而自貞明四
年戊寅至同光元年癸未相距止六歲安得有十餘
年之久乎

復獻五萬緡求爲真刺史 宋時防禦團練使刺史皆
有遙授正任之分蓋始於此但宋時所謂正任者亦
僅食其俸非真履其任也

拜雄州刺史州在雲武之西吐蕃界中 按五代之際
雄州有四一爲周世宗所置卽今直隸雄縣一爲南
漢所置卽今廣東之南雄府皆見於職方攷一爲南
唐所置卽今江南六合縣周平江北遂廢故職方攷
不及焉此雄州職方攷亦無之攷唐書地理志雄州
在靈州西南百八十里中和元年徙治承天堡者卽
此

趙在禮傳

軍士皇甫暉作亂推其將楊仁晟為首仁晟不從殺之
又推一小校小校不從又殺之乃攜二首詣在禮

此事又見皇甫暉傳

歷鎮泰寧匡國天平忠武武寧歸德晉昌 按舊史唐

明宗長興元年七月以前兗州節度使趙在禮為左

驍衛上將軍九月為同州節度使四年十月為襄州

節度使末帝清泰元年加同平章事二年為宋州節

度使歐史不書山南東道者漏也在禮於明宗朝自

魏州移鎮滄州 橫海 又移兗州 泰寧 同州 匡國 襄州

山南 東 末帝時移宋州 歸德 晉高祖時移鄆州 天平 許

州 忠武 少帝時改徐州 武寧 再除兗州改晉昌軍歐

史既脫襄州一鎮其再鎮泰寧亦闕而不書前後移

鎮亦失其序不若舊史之核

契丹入汴在禮自宋馳至洛陽 按契丹入汴時在禮

為晉昌節度非宋州也

漢高祖立贈中書令 按在禮於晉天福三年已加兼

侍中史不書生侍中而書贈中書令何也

霍彥威傳

天成三年冬彥威卒於鎮 按舊史天成元年加彥威

兼侍中二年加兼中書令

房知溫傳

末帝患魏軍彊難制與趙巖等謀分相魏爲兩鎮魏軍
由此作亂劫德倫叛梁而降晉梁遂失河北 此語
亦屢見可省

王建立傳

若文珂守恩皆位兼將相漢大臣也 按舊史文珂時
爲保義節度使同平章事守恩爲西京留守同平章
事故有位兼將相之語歐史不爲文珂立傳非讀舊
史安知文珂之亦使相乎

康福傳

乃拜福涼州刺史河西軍節度使 按韓遜傳以福爲
朔方河西節度使攷唐時靈武與河西各爲一鎮靈
武爲朔方節度使例兼靈州大都督府長史河西節
度治涼州故帶涼州刺史韓氏世鎮靈武唐莊宗時
乃命遙領河西節度福旣代韓澄兼領兩鎮而本傳
不書朔方節度但書河西節度是舍重而舉其輕也
五代史於節度所領之刺史例不書獨此書涼州刺
史於例已不歸一旦又不書靈州長史而書涼州刺
史蓋歐公於官制未甚了了故刪節舊文而未得其

要也

李周傳

晉高祖時復鎮靜難罷還按五代會要周在唐末帝

晉高祖出帝朝俱在使相之列舊史本紀清泰三年以西京留守李周為

汴州節度使同平章事

劉處讓傳

唐制樞密使常以宦者為之自梁用敬翔李振至莊宗

始用武臣而權重將相此語已見郭崇韜傳論且

敬翔等但為崇政使不名樞密使也

張希崇傳

遷靈武節度使 代康福

居四歲上書求還內地徙鎮邠寧按晉家人傳天福

二年詔前靈武節度使張從賓發河陽兵蓋希崇徙

鎮之後以從賓代之天福初從賓入為東都巡檢而

希崇復鎮靈武也

天福三年月掩畢口大星按司天攷不載此事惟四

年九月癸未月掩畢恐即此條傳聞之誤

張廷蘊傳

李繼韜叛於潞州莊宗遣明宗為招討使元行欽為都

部署按通鑑同光二年安義牙將楊立聚眾攻潞

州子城節度副使李繼珂棄城走立自稱留後遣將
士表求旌節詔以李嗣源爲招討使李紹榮卽元行欽爲
部署卽此事也立乃繼韜之牙將繼韜先已誅歿而
此傳以爲繼韜誤矣明宗紀書同光二年五月破楊
立於潞州卽指此事但失書招討使一事耳元行欽
傳不云爲潞州行營都部署則史之疏漏也

馬全節傳

徙全節鎮昭義又徙安國 按舊史天福七年六月以
昭義節度使馬全節爲邢州節度使加同平章事開
運元年除鄴都留守加兼侍中

開運二年徙鎮順國 按上文已有開運元年則此開

運二字當刪

贈中書令 五代會要諡忠武

皇甫遇傳

以功拜義成軍節度使 按舊史開運二年加遇同平
章事通鑑安審琦稱遇爲皇甫太師蓋嘗加檢校太
師也

安彥威傳

晉高祖入立拜彥威北京留守徙鎮歸德 按彥威留
守北京時已加平章事徙歸德加兼侍中出帝時加

兼中書令

劉景嚴傳

義兵亂殺漢章


延州軍亂殺其節度使楊漢章當書

於唐廢帝紀

又徙武勝

按五代會要景嚴在晉出帝朝使相之列

攷舊史本紀却無加使相一節



文政十一年

